



Amin'ny anaran'Andriamanitra, Ilay be Fiantrana,
Ilay be Indrafo.

Ashoura

ILAY TRANGA NISEHO TAMIN'NY ANDRON'NY



L'ÉVÈNEMENT D'ASHOURA

Auteur : Mohammad Saeed Bahmanpour

Illustré par Parviz Eghbali

Traduit par Jivan Mountazir

Première édition . Février 2008

éd. Nedabook

info@nedabook.ir

سرشناسه: بهمن پور، محمدسعید، ۱۳۳۵ -

Bahmanpour, Mohammad Saeed

[داستان عاشورا، فرانسوی]

عنوان و نام پدیدآور: L'ÉVÈNEMENT D'ASHOURA / محمدسعید بهمن پور.

مشخصات نشر: تهران: دانش آموز، ۱۳۸۶

مشخصات ظاهری: ۶۴ ص.، مصور

شابک: ۹۷۸-۹۶۴-۶۳۱۶-۵۰-۸

وضعیت فهرست نویسی: فیبا فرانسوی.

۱. واقعه کربلا، ۶۱ ق. -- داستانهای نوجوانان، ۲. عاشورا -- داستانهای نوجوانان،

۳. حسین بن علی (ع) امام سوم -- ۴-۶۱ ق. -- داستانهای نوجوانان.

۴. داستانهای فرانسوی -- قرن ۲۱ م.

الف. اقبالی، پرویز، ۱۳۴۰ - Eghbali, Parviz، تصویرگر.

ب. عنوان: L'ÉVÈNEMENT D'ASHOURA ج. داستان عاشورا، فرانسوی

۱۳۸۶ ۴۹۵۷۰۴ الف ۹ب/۴۱/۵ BP [ج] ۲۹۷/۹۵۳۴

Nadika sy navaozin'ny :





CENTRE RASSOULOUL AKRAM (saw)

C.R.A

Centre rassouloul akram (saw)







Fiadanana anie ho anao, ô ry Aba Abdillah !


TENY FAMPIDIRANA :

Tena zava-doza sy mampalahelo tokoa no nitranga tamin'ny andron'i ASHOURA, raha teo amin'ny sehatry ny tantara no asiana jeri-todika, izany anefa dia lasa loharano fototra hoan'ireo olona izay manana finiavana tsara sy saina mivelatra. Imamo HOUSSEIN (as) dia niaritra ampahatsorana ny ranitrin'ireo sabatra sy ireo zanatsipika, niaritra ihany koa ny fahafatesan'ireo mpiaradia aminy ary indrindra ireo fianakaviany. Nangirifiry taminy ny naneken'ny hahakamboty an'ireo zanany, sy ny fanababoana an'ireo vadiny, nekeny izany rehetra izany satria izany no ilainy, araka ny voalazan'ilay irakin'ny Tompo Allah manao hoe : **“izy dia jiro fanilo sy sambo fanavotana”**, ka izany indrindra no nahatonga ny andron'ny ASHOURA tsy nitovy tamin'ireo andro sasany izay mahazatra, fa lasa andro iray izay tena manantantara tokoa teo amin'ny fiainan'ny zanak'olombelona, tantara iray miavaka ! Ny ASHOURA dia tsy vokatry ny kisendrasendra akory, fa nifotra tamin'ny faharesen-dahatra manokana, ary izy io dia loharano fototra hoan'izay rehetra mangetaheta fahamarinana sy izay mila miezaka hijoro hanatanteraka ny adidy aman'andraikiny. Ity boky ity dia mirakitra ny zavatra rehetra izay nandalo tao Karbala, izay notsongaina avy tamin'ireo tahirin-tsoratra voatonta mahakasika izany sy loharano itokisana, ary izy ity dia natao mba ho entina mamelona indray eo amin'ny sain'ireo zaza sy ireo tanora ny zavatra izay nandalo tao Karbala.

Irina fatratra anefa ny mba hahafahantsika maka lesona mahakasika ny finoana sy ny faharesan-dahatra ary indrindra ny fanaovana sorona ny tena sy ny herim-po tokony ananana, eo ampamakiana an'ity boky ity.

**ILAY TRANGA
NISEHO
TAMIN'NY
ANDRON'NY
ASHOURA**


Yazid, ilay zanak'i Mou'awiyah dia olona mamolava sy jentilisa (tsy mpino), ny filibana sy ny rendrarendra no hany nandaniany ny fotoanany. Taorian'ny fahafatesan'Imamo Ali Ibn Abi Twalib (as), naka ankeriny ny fitondrana i Mou'awiyah no sady nitonon-tena ho mpandimby an'ilay iraka masin'i tompo Allah Mouhammad (sw), ka noho izany tsy ara-dalana ny fitondrany, ary nanana faniriana ihany koa izy ny hanendry an'i Yazid zanany mba no mpandimby an'ny Mpaminany (sw).






Taorian'ny fahafatesan'i Mou'awiyah tamin'ny misasaky ny volana Rajab tao Sham, Yazid dia nanoratra taratasy nankany amin'i Walid ibni Utbah governoran'ny tanànan'i Madinat. Izany taratasy izany dia manome baiko an'ilay governora mba haka fanekem-pankatoavana amin'Imamo Houssein (as) mba ho mariky ny fankatoavany an'ilay fitondrana izay hajorony.

Sorato : « raha ohatra Imamo Houssein tsy manao fanekem-pankatoavana ahy sy tsy manaiky ny maha-governora ahy, dia aoka ho tapahinao faran'izay haingana ny lohany ka alefaso aty amiko ».



Ity misy taratasy avy tamin'ilay lehiben'ireo mpino Yazid ibni Mou'awiyah.

Ilay irak'i Yazid nankany amin'ilay governoran'i Madinat, Walid ibni Utbah.



Maty i Mou'awiyah.

Fa misy inona ry ibni Utbah ?



Tamin'ilay irak'i Walid nankany amin'Imamo Houssein (as), Imamo dia teo ampanaovana soalat tao amin'ilay Masjidin'i Nabi (sw).

O ry ilay zafin'ny Mpaminany !, i walid ibni Utbah dia mampiantso anao.

Inona no mba zavatra hitadiavan'ilay governoran'i Madinat an'Imamo Houssein (as) amin'ity andro alina be ity ?




Imamo Houssein ibn Ali (as), efa nahalala ny fahafatesan'i Mou'awiyah, ary torak'izany ihany koa ny fikasan'i Walid, ka noho izany vao vitra ny soalat dia nody tany antranony izy. Rehefa tonga tany antranony izy dia namory telopolo lahy tamin'ireo fianakaviany, ary nomeny baiko mba hitondra fitaovam-piadiana sy hiaraka aminy mankany amin'ilay rovan'i Walid.



O ry Aba Abdillah !, avelao izahay hiaraka hiditra aminao. Mety handratra anao izy ireo.


O ry rahalahiko Abou al-Fadi ! aoka ianareo hijanona eto. Hampandre anareo aho raha ohatra izy ireo manao na inona na inona amiko.

Rehefa tonga tany, nomen'Imamo Houssein (as) baiko ireo mpiaradia taminy mba hiandry azy ety ivelan'ilay lapa, fa izy kosa niditra irery tao amin'i Walid.




Inona no zavatra mandalo ka mahatonga an'ilay manampahefana mampiantso ahy amin'izao fotoana efa alina izao ?

Maty i Mou'awiyah, ary talohan'ny nandaozany antsika, dia nanendry an'i Yazid izy ho governoran'ireo mpino islamo ary ho mpandimby an'ilay iraka masina. Ka i Yazid dia mitaky anao hanao fanekem-pankatoavana azy.




Ka i Yazid anie olona mamolava no sady jentilisa no badolaha ihany koa !, ka amin'ny fomba ahoana no haneken'ireo mpino azy hifehy azy ireo?

Tsy misy vahaolana hafa azo raisina. Izany no baiko voaray avy amin'i Yazid



O ry Aba Abdillah !, ianao tsy manan-tsafidy ankoatran'ny manaika hanao fanekem-pankatoavana.



Araka izany, Imamo Houssein (as) dia nangataka tamin'i Walid mba hiandry mandram-pahatongan'ny rahampitso. Nefa kosa i Marwan ibni al-Hakam izay anisan'ny fahavalon'ny Mpaminany (sw) dia nanery an'i Walid haka an'ilay fanehem-pankatoavana amin'Imamo eo noho eo.



Niezaka nanakana an'imamo tsy hivoaka an'ilay lapa i Marwan, nefa nesorin'Imamo tamin'ny alalan'ny fihetsika iray monja izany.





Tahaka izany no zava-nisy, nahatonga an'Imamo Houssein (as) tsy nanao fanekem-pankatoavana an'i Yazid.




Andao isika handeha, ary aoka isika hatoky an'i Tompo Allah amin'izay rehetra hataony.

Tao an-dapa, nanome tsiny an'i Walid i Marwan tamin'ny famelany an'Imamo handeha.




Ianao dia tsy niheno ny teniko. Amin'ny Tompo Allah no inianako !, fa ianao tsy hahita azy intsony.




Loza ho anao ! moa ve ianao miezaka mampanalavitra ahy amin'ilay finoako ?, sazy tahaka ny ahoana no mahazo ahy amin'ny andro farany rehefa mijoro manoloana an'ny Tompo Andriamanitra aho, miaraka amin'ny tanana izay mihoson-dràn'i Houssein ?




Rehefa maraina ny andro, dia nijanona tao Madinat ihany Imamo Houssein(as). Tamin'ny tolak'andro, i Walid dia nandefa olona mba hiantso an'Imamo Houssein (as), nefa ny Imamo dia nangataka taminy mba hiandry alina iray hafa koa. Ary nandritra io alina io, dia nivoaka an'i Madinat antsokosoko izy ka nitodi-doha nankany Makkat.




Nandeha teny amin'ilay fasan'ny Mpaminany (sw) ny Imamo mba hanao veloma farany azy, alohan'ny handaozany an'i Madinat.






Ilay anabaviny dia tsy iza izany fa i Zainab, sy Ilay zanany i Ali Akbar ary ilay rahalahiny Abou Fadl, sy ireo zana-drahalahiny ary ireo zanak'olo-mpiray tampo aminy, ary indrindra ireo fianakaviany, izy rehetra ireo dia niara-dalana taminy nizotra nankany Makkat avokoa.



Tamin'ny voalohan'ny volana Sha'aban taona 60 Hijri no tafiditra tao Makkat Imamo Houssein (as) sy ireo fianakaviany.



Nirodorodo tamin'ny fitsenana sy hihaona amin'Imamo Houssein (as) ireo loholona feno haja sy ireo mponin'i Makkat .



Etsy ankilan'izany, ireo vahoakan'i Koufat kosa dia faly sy ravo teo ampahenoana ny vaovaon'ny fahafatesan'i Mou'awiyah.

Henoinareo !, araka ny efa fantatsika, i Mou'awiyah dia nindaosin'ny fahafatesana, ary Imamo Houssein (as) tsy manaiky ny hanao fanekem-pankatoavana an'ilay zanany dia tsy iza izany fa i Yazid. Ka noho ianareo anisan'ny mpanaradia an'i Houssein (as) sy ny rainy imamo Ali (as), aoka ianareo handefa taratasy any aminy izay manambara ny fahavononareo hiady ho azy. Nefa tandremonareo, raha ohatra ianareo matahotra an'i Yazid, ary tsy ho afaka hanavotra an'i Houssein (as) aoka ianareo tsy hamitaka azy amin'ny alalan'ny teny tsara lahatra izay tsy misy fotony.

Nisy ampahany tamin'ireo Shia tao Koufat nivory tao an-tranon'i Soulaiman ibni Surad.

Hataontsika izay rehetra handidiany sy hangatahiny amin-tsika, na dia hihatra amin'ny fanaovana sorona ny tenantsika sy ny harenantsika aza izany.

Izao dia izao isika hanoratra taratasy mankany aminy, isika dia tsy mahafantatra mpitarika hafa ankoatra an'Imamo Houssein (as).

Aoka isika tsy hanaiky velively ny ho entin'Yazid.

Tsy misy androny ! isika tsy maintsy miady ho an'Imamo Houssein (as) mandram-pahafatintsika.






Ka dia nizara vondrona madinidinika ireo vahoakan'i Koufat teo ampanoratana ireo taratasy izay halefa any amin'Imamo Houssein (as). Nahavoaray taratasy miisa 150 Imamo tamin'izay fotoana izay, izany rehetra izany dia nanasa azy mba ho tonga any Koufat sy miangavy azy mba ho mpitarika sy ho filohan'izy ireo.



Avy amin'i Shabath ibni Rab'i, i Hajjar ibni Abjar, i Urwah ibni Qays, sns.
 Hoan'i Houssein ibni Ali (as). « eny tokoa, efa lasa maintso avokoa ireo tanim-bolin'i Koufat, ary efa masaka avokoa ireo voankazo. Ka noho izany, miangavy anao mba ho tonga hamonjy faran'izay haingana ireto andian-tafika maro be ireto, izay efa eo ampiomana sy vonona ny hanampy anao. Fiadanana anie ho anao ! ».



Amin'ny anaran'i Allah, ilay be fiantrana sy be indra-fo. Ity taratasy ity dia nosoratana ho an'i Houssein ibni Ali (as) manokana, avy amin'ireo mpomba azy aty Koufat. " miandry ny fahatongavanao izahay rehetra, ary tsy mahalala mpitarika sy mpitondra hafa ankoatra anao. Ka noho izany, mitongava faran'izay haingana ianao !, fiadanana anie ho anao !".





Taorian'ny fahatongavan'ireo taratasy tsirairay izay avy tamin'ireo mponin'i Koufat tamin'Imamo Houssein (as), ity farany kosa dia nandefa taratasy ho valin'ny taratasin'izy ireo tamin'ny alalan'ny fandefasana an'i Mouslim ibni Aqil. «voaraino avokoa ireo taratasinareo, ary izaho dia mandefa an'ilay zana-drahalahindraino i Mouslim ibni Aqil ho anareo. Izy no hanao tatitra amiko raha ohatra ka ny hevitrao sy ny fomba fijerinareo mifanaraka amin'izay nolazainareo tamin'ireo taratasy nalefanareo taty amiko. Ary raha izany no sitrak' Andriamanitra, dia tsy maintsy hihaona aminareo aho».



Rehefa tonga tao Koufat i Mouslim, dia tamim-kafanam-po sy ankaravoana no nandraisan'ireo vahoaka azy.



Nilatsa-dranomaso ireo vahoakan'i Koufat rehefa novakin'i Mouslim tamin'izy ireo ilay taratasin'Imamo.





Valo arivo sy iray alina no olona nanao fanekem-pankatoavana an'i Mouslim. Teo ampahitana ny fihetsik'ireo mponin'i Koufat izay tena nahavelom-bolo tokoa, dia nanoratra taratasy ho an'Imamo izy, taratasy izay manasa azy mba hamonjy azy any Koufat.



Valo arivo sy iray alina, olona betsaka toy ny eny an-dalana, no nanao fanekem-pankatoavana anao. Ka noho izany, mitongava haingana aty Koufat ianao amin'izao ankehitriny izao.



Tetsy ankilany kosa, i Oumar ibni Sa'd sy ireo mpomba ny taranak'i Oumayyad hafa dia tsy faly teo ampahitana ilay tranga izay niseho tao Koufat, ka noho izany dia nanoratra taratasy tany amin'Yazid izy ireo, mba hampahafantatra azy ny zava-misy.



Rehefa tonga tany aminy ilay taratasy, dia nesorin'Yazid teo amin'ny toerany ilay governoran'i Koufat ka dia nosoloiny an'i Oubaydollah ibni Ziad, izay nomeny baiko ihany koa mba hisambotra an'i Mouslim ibni Aqil.

Olona iray ihany no afaka manova izao toe-draharaha izao, sy afaka manova ireo mponina mba homba antsika. Ary izany olona dia tsy iza fa i Oubaydollah ibni Ziad.



Ibni Ziad dia olona tsy mataho-tody sy tsy misy indra-fo tamin'izany fotoana izany. Izy dia zanaky ny vehivavy iray marary saina izay antsoina hoe Marjanah.





Mitandrema ianao tompoko. Aoka isika tsy hanao zavatra hisarika ny olona hahalala ny zavatra tiantsika hatao.

Niditra antsokosoko tao Koufat niaraka tamin'ny andian-jiolahiny vitsivitsy i Oubaydollah ibni Zyd. Tonga dia nizotra nankany amin'ny lapa izy no sady naka avy hatrany ny fahefana.



Taorian'ny fikarohana ela be, izay izy vao nahita an'i Mouslim ibni Aqil izay niafina tao antranon'i Hani ibni Urwah. Hani dia anti-dahy feno fahendrena sy mpino, fa na dia izany aza, nosamborina sy nodarohana izy.



Nanoloana izany toe-javatra izany, niomana i Mouslim ho an'ilay ady izay hifandonany amin'i Oubaydollah.

Lazaonareo izay rehetra nanao fanekem-pankatoavana an'Imamo Houssein (as) mba hiomana amin'ity ady ity.



Olona an'arivony maro no vory ho an'izany ady izany. Namory ireo miaramilany i Mouslim no sady nanendry ny ho mpitari-tafika azy ireo.



Ankaherisetra no nanombahan'ilay ady, ary tsy ela akory dia resy ireo andiana miaramilan'i ibni Ziad.






Tena nihorohoro tokoa i ibni Ziad nanoloany ny fahareseny, ka dia niafina tao an-dapany izy no sady nanome baiko ny amin'ny hanidiana ireo varavarana rehetra makao an-dapa.



Hidionareo ny varavarana rehetra ary aoka hasianareo mpiambina avokoa.

Niezaka nieritreritra ny tetika izay ho entiny miatrika ny raharaha i ibni Ziad.



Izaho mino sy matoky fa tsy maintsy misy vahaolana any ho any.



Aiza daholo ireo andrianan'i Koufat ?

Ato ry zareo tompoko.

Ianareo no loholon'i Koufat. Ka noho izany, mandehana ampihorohoroy izy ireo tamin'ny fanohan'izy ireo an'i Mouslim. Lazao azy ireo fa raha manohana antsika izy ireo dia hahazo valisoa, ary raha miezaka ny hanohitra antsika kosa dia lazao azy ireo fa sazy mahery vaika no miandry azy ireo.





Ka toy izany no nahatonga ireo loholon'i Koufat izay ny ankamaroany dia anisan'ireo nandefa taratasy fanasana ho an'imamo, niparitaka teny anivon'ireo mponina ary nanomboka nandresy lahatra azy ireo ny amin'ny mba hamelan'izy ireo an'i Mouslim.



Afaka fotoana vitsivitsy, vondron-tafika goavana be no ho avy any Damas, ary amin'izay fotoana izay dia ho faty ianareo.



Andao ianareo hiaraka amin'i ibni Ziad !, izy no solontenan'ilay mpitondra an'ireo vahoaka islamo. Ka n'iza n'iza miara-dalana aminy dia ho voaaro.



Aoka ianareo hiditra ao antranonareo, ary aza manaparitaka ny tsy fifankahazoana.



Raha ohatra ianareo tsy miditra ao antranonareo amin'izao fotoana izao dia tsy maintsy ho tapahina ireo fanampiana azonareo avy amin'ilay tahiry iombonana, ary ireo zanakareo dia tsy hahazo tombony intsony amin'ireo fanampiana izay avy amin'i Komandà.




Ireo lehilahy amam-behivavy dia nangorohoro avokoa ny amin'ny fanafihana izay hataon'ireo miaramila avy any Damas, ka noho izany dia nalain'izy ireo ny fianakavian'izy ireo izay niady teo anilan'i Mouslim, mandram-pahafatin'ny masoandro, tsy nisy tavela teo aminy ankoatran'ny andian'olona telopolo lahy monja.

Afaka fotoana vitsy, ireo miaramila syrianina dia ho tonga, ka noho izany mialà amin'ity ady ity ry zanako.


Andao isika handeha, ampy an'i Mouslim ireo olona maro be ireo.

Nandeha nankany amin'ny Moske i Mouslim sy ireo andian'olona telopolo lahy izay nijanona teo aminy mba hanatanteraka ny fotoam-pivavahana hariva, ary teo ampanaovana izany indrindra no nandao azy ihany koa izy ireo.





Rehefa nivoaka an'ilay Moske i Mouslim, dia tena irery izy tamin'izay fotoana izay. Tsy mba nisy olona na iray aza teo mba hanoro lalana azy.



I Mouslim tsy mba nahafantatra ny tanànan'i Koufat akory, nefa lasa nandeha irery teny an-dalana. Nisy vehivavy iray izay antsoina hoe Taw'ah no sendra teo ambaravarany niandry ny fahatongavan'ny zanany. Reraka tokoa i Mouslim no sady tena nangetaheta, ka noho izany nangataka rano tamin'ilay ramatoa.



Iza kay ianao ry tovolahy ?, fa maninona ianao no tsy nody tany amin'izay niavianao ?, tena mampidi-doza ny raharaha misy ety antanana amin'izao fotoana izao.

Izaho dia i Mouslim ibni Aqil, ilay zana-drahalahin'Imamo Houssein ibni ALI (as);




Nomen'i Taw'ah alalana hiditra ao antranony i Mouslim sy mba hiafina ao.

Allah dia tsy hamela heloka velively ny olona manao fihetsika toy izao amin'ireo Havana akaikin'ny Mpaminany (as).



Ny mahakasika an'i Ibn Zyad kosa, nametraka fanomezana ho an'izay mahita an'i Mouslim izy. Ka ny zanak'i Taw'ah izay tovolahy tena ratsy saina no sady tendan-kanina no nanambara ny toerana izay niafenan'i Mouslim amin'izay izy no mahazo an'ilay fanomezana.



Nanafika ny tranon'i Taw'ah ireo miaramilan'i ibni Zyad ka dia voasambotra niaraka tamin'izay i Mouslim. nanomboka nanohitra an'ireo miaramila izy, ary noho ireo miaramila tsy naharesy azy dia navelan'izy ireo izy.

Manolora-tena ianao ry Mouslim. iantohanay ny fiarovana anao raha manao izany ianao.

Moa ve tena marina fa hiaro ahy ianareo ?



Manolora-tena ianao amin'izay tsy misy olona hafa manao n'inona n'inona aminao intsony.


Eny tokoa, ho voaaro ny ainao ry Mouslim. Ka aoka ianao hampirina ny sabatrao.




Izaho tsy mitomany noho ny tenako akory. Fa izaho kosa mitomany ho an'i Houssein (as) sy ireo fianakaviany izay an-dalana mizotra mankaty aminareo olona izay tsy valahara.

Mouslim izay efa tsy nanana hery intsony ho entiny miady, nino ny zavatra nolazain'izy ireo ka dia nanolo-tena tamin'izy ireo. Nefa ireo miaramila kosa tonga dia nifandrombaka naka an'ilay sabatran'ny, izay mitory fa izy ireo dia efa tsy hitazona ny teny nomen'izy ireo azy. Latsa-dranomaso i Mouslim teo ampahitana izany fihetsika nataon'izy ireo izany.

Fa maninona ianao no mitomany ?, ny olona izay mila maka ny fahefana dia tokony ho vonona hiatrika ny zavatra tahaka izao anio izao.



Araka ny baiko nomen'ibni Ziad, dia novonoina i Mouslim sy i Hani ibni Urwah tamin'ny fahasivin'ny volana Zhoul Hijjah, izany dia andro iray taorian'ny niaingan'Imamo avy tao Makkat hankany Koufat.



Teny an-dalana, nifanena tamin'i Farazdaq ny Imamo, ilay mpahaitononkalo fanta-daza tao Koufat, izay nizotra nankany Makkat mba hanatanteraka ny fivahinianana masina. Farazdaq nanontany an'imamo ny antony namelany an'ireo asa maro fatao amin'ny Hadj izay mbola tsy vita, ary torak'izany koa ny antony nahatonga azy nandao an'i Makkat roa andro talohan'ny fanaovana sorona.

Eny, ireo vahoakan'ny Koufat dia miaraka aminao ny fon'izy ireo. Nefa kosa ny sabatran'izy ireo miaraka amin'ireo Oumayad. Izany rehetra izany dia apetraka eo ampelan-tanan'i Tompo Allah.

Moa ve ianao manana vaovao mahakasika an'i Koufat ?



Marina tokoa ny voalazanao. Ny zava-drehetra dia miankina amin'i Tompo Allah. Izy no mandidy sy manapaka izay rehetra miseho sy mitranga isan'andro.

Rehefa naheno i ibni Ziad, fa Imamo Houssein (as) dia andalana mizotra mankany Koufat, dia nanome baiko ireo vahoaka izy mba hiomana hiady. Nanome baiko an'i Houssein ibni Nomayr ihany koa izy mba hanamafy ny fiambenana ny manodidina an'i Koufat, ary mba hiantoka tanteraka fa ny manodidina rehetra dia voa ara-maso.




I Houssein ibni Nomayr, dia nandefa ny iray tamin'ireo komandan'ny miaramilany izay antsoina hoe Hour niaraka tamin'ny andiana miaramila an'arivony maro, mba hisambotra an'Imamo Houssein (as), sy hitondra azy any amin'i ibni Ziad.

Raha sendra maharary ny vaovaon'ny Koufat i Houssein, mety hiverina antenatenan-dalana izy. N'inona n'inona mandalo, aza avelanareo hiverina an'ny Makkat na Madinat mihitsy izy. Tsy maintsy ataonareo izay hahatongavanareo azy aty amin'ny filoha ibni Ziad.

Raha sitraky ny Tompo Allah, dia ho tanteraka anie izany.





Nandao an'i Koufat niaraka tamin'ny tafiny i Hour.

Ô ry Tompo Allah, ampio aho amin'ity andraikitra izay hataoko ity.



Nandefa an'i Qays ibni Mussahhar tany Koufat ny Imamo mba hampilaza ireo vahoaka fa efa akaikin'ny tanàna izy ireo.



Nefa moa nosamborin'i Houssein ibni Nomayr teny an-dalana i Qays ary dia nentiny tany amin'i ibni Ziyad.



Moa ve ianao mpitsikilon'i Houssein ibni Ali ?

Tena mpitsikilo tokoa izy io matoa tsy milaza izay niaviany na izay zavatra ilainy.



Eny ary.
Manaiky ny hanao
izany aho.

Raha ohatra ianao
tsy mpitsikilon'i Houssein
ibni Ali ary, aoka ianao hiakatra
ambonin'ity polpitra ity, ary aoka
ianao hanozona azy eo anoloan'ireo
vahoaka ireo. Fa raha tsy manao
izany ianao dia no
vonoiko.

Rehefa vory tao amin'ilay Moske avokoa ireo vahoaka, dia niakatra teo
ambonin'ilay polpitra i Qays, ka izy tokony hanozona an'Imamo indray
no niantso ireo vahoakan'i Koufat mba hiara-dalana amin'Imamo.



O ry vahoaka !,
i Houssein (as) dia iray
amin'ireo mpanompon'i Tompo Allah
izay tsara sy mahafatra-po tokoa. Izy dia
zanak'i FATWIMAT (as) ilay zanakavavy
malalan'ny Mpaminany (sw). izaho dia irany.
Aoka ianareo hanaja an'ilay fanekem-
pankatoavana izay nataonareo azy, ary
aoka ihany koa ianareo hanampy
sy hanohana azy satria izy
ho tonga aty aminareo.

Asaivonareo
mangina io tsivala-
hara io.




Mijoro vavolombelona
aho fa tsy misy Tompo afa-tsy
Allah. Mijoro vavolombelona ihany
koa aho fa i Mouhammad
(sw) dia irany.

Araka ny baiko nomen'i ibni Ziyad, natosika avy teny amin'ilay
tambohon'ny lapa i Qays ibni Mussahhar ary dia maty maritiora.



Rehefa tonga tamin'ny toerana iray izay antsoina hoe Sa'alabiyah ny Imamo dia naharay vaovao amin'ny nahafaty maritiora an'i Mouslim ibni Aqil sy i Hani ibni Urwah.



Napetrak'Imamo teo ambony feny ilay zanakavavin'i Mouslim no sady notambatambazany ampitiavana amin'izay mba manadino ny fahabangan-drainy.



Taoriana kelin'izay, naharay vaovao amin'ny fahafatesan'i Qays ibni Mussahhar ihany koa ny Imamo, ka dia navoriny ireo mpiaradia aminy no sady niresaka tamin'izy ireo izy.

Aoka ho fantatrareo fa efa namela antsika ireo mpomba antsika. Ka izay mila mandeha aminareo dia aoka izy hanao izany, satria ny hany zavatra iray izay miandry antsika dia ny fahafatesana amin'ny lalan'i Tompo Allah.

Efa fantako mialoha fa ireo vahoakan'i Koufat tsy mendrim-pitokisana. i Houssein tsy tokony ho nino sy niantehitra tamin'izy ireo mihitsy.



Tsy misy dikany intsony ny hijanonana eo anilan'ny zafin'ilay Mpaminany (sw).

Isika nifanaraka ny hiaraka amin'i Houssein (as) amin'izay mba mahazo toerana ambony, nefa ilay izy tsy anjara.


Lalana lava no nodiavintsika nefa amin'ny farany dia tsy mba nisy n'inona n'inona azontsika.



Ka noho izany dia maro ireo olona namela an'Imamo, ary ny Imamo kosa nanohy ny lalany niaraka tamin'ireo andian'olona tavela.



Teo ampahatongavana tamin'ny toerana iray izay antsoina hoe Sharaf, nanome baiko ireo mpiaradia aminy ny Imamo mba hameno rano ireo fitaovana fitondran-dranon'izy ireo.



Rehefa avy teo, dia nanohy ny diany ireo karavany kely...



Rehefa mitataovovonana ny andro, dia nifanena tamin'ny miaramilan'i Hour ireo karavanin'Imamo Houssein (as) tao amin'ilay toerana iray izay antsoina hoe Dhu Hussoum.

Ary ireo toa misy hazon'antrendry maromaro ?

Lehibe tokoa Tompo Allah, ireo ny hazon'antrendrin'i Koufat, efa tonga isika !

Fa inona izany lazainao izany e ?, moa va tsy fantatrao fa mbola lava ny lalana tsy maintsy hataontsika izay vao tonga an'i Koufat?

Jereo tsara ry namana. Tsy hazon'antrendry izany ireo, fa sofina soavaly sy lohan-defon'ny vondron-tafika mitaingin-tsoavaly.

Tsy hay izy ireo na tonga mba hihaona amintsika na hiady amintsika.

Marina tokoa izany, ary toa manantona antsika izany vondron-tafika izany.



Tonga hiady izahay.

Moa ve ianareo tonga mba hanampy anay sa tonga hiady aminay ?


Imamo Houssein (as) efa nahafantatra fa miaramilan'ny fahavalo izy ireo. Nefa, rehefa nahita an'ireo miaramilan'i Hour izay tena nangetaheta toka izy dia nanome baiko an'ireo mpanaradia azy izy mba hitondra an'ireo rano izay navorin'izy ireo mba hanalan'ireo miaramila ny hetahetan'izy ireo. Nefa aoriana kelin'izay, ireo miaramila ireo ihany no hanakana ny lalan'Imamo sy ireo mpanaradia azy mba tsy hahafahan'izy ireo maka rano ao Karbala.



Omeonareo rano ny rehetra. Avelaonareo hiala hetaheta ihany koa ireo soavalin'izy ireo.

Rehefa atoandro ny andro, nanao soalat tao aorian'Imamo i Hour sy ireo miaramilany.





O ry vahoakan'ny Koufat !, tonga eto aminareo aho satria ianareo nanasa ahy tamin'ny alalan'ireny taratasy nalefanareo tamiko ireny. Toy izao manaraka izao no nolazainareo tao amin'ireo taratasy izay nosoratanareo tamiko : " izahay tsy manana mpitarika, ka noho izany tongava haingana ianao", izaho tsy mihevitra ny hiady aminareo velively. Fa raha niova hevitra kosa ianareo amin'izay nosoratanareo, dia hiverindalana aho, ka hipody any amin'ny toerana izany niaviako.

Taorian'ny fotoam-pivavahana dia niresaka tamin'izy ireo ny Imamo.

O ry zafin'ny Mpaminany !, mba ifantako amin'i Tompo Allah, fa izaho tsy mahalala ny momba an'izany taratasy lazainao izany.



Dia nanome baiko ny amin'ny hitondra ireo harona misy an'ireo taratasy izay nalefan'ireo vahoakan'i Koufat ny Imamo Houssein (as).

Ho mora aminareo ny fahafatesana noho ny fanoratanareo an'ireto taratasy ireto !.

Izahay anie tsy anisan'ireo izay nanoratra an'ireo taratasy ireo e. fa izahay kosa dia nahazo baiko ny hitondra anao any Koufat ho eo anilan'ibni Ziyad.



Raha olon-kafa ankoatra anao no nanonona ny anaran-dreniko tahaka ny nataonao io, dia nataoko tamin-dreniny ihany koa izany nataony tamin-dreniko izany. Nefa ny reninao dia i Fatwimat Zahra, ka noho izany tsy afaka manao an'izany aminy aho raha tsy amim-panajana.


Enganie ny reninao hitomany amin'ny fahafatesanao, ry Hour !, inona kay no tena ilainao aminay ?

Nanome baiko ireo mpanaradia azy ny Imamo Houssein (as) mba hiomana amin'ny fiverenana mankany Madinat. Nefa dia nosakanan'i Hour sy ireo miaramilany izy ireo.



Ô ry Aba Abdillah !,
izaho tsy naharay didy ny
hiady ary izaho mila manao
zavatra izay hiteraka
fahavoazana ho anao.


Fa maninona
ianao no manao
an'izao ?



Izaho dia naharay
baiko sy toromarika ny hanakana
anao tsy hiverina an'i Madinat. Ka
noho izany andao isika handray lalana
izay sady tsy mankany Koufat no tsy
mankany Madinat, ary ho hitantsika eo
ny toromarika vaovao izay
homen'ibni Ziyad.

Farany ireo miaramila roa tonta
nifanaika ny hiara-dalana, hanjohy sy
hanaraka ilay lalana izay sady tsy mizotra
mankany Koufat no tsy mankany Madinat,
ka dia tonga tamin'ny toerana karakaina
sy tsy azo volena eo amin'ny sisin'ilay
renirano izay antsoina hoe Fourat izy ireo.






Jereo ry Hour !, iny misy mpitaingin-tsoavaly iray avy any Koufat.



Ity misy taratasy avy any amin'ibni Ziad, ilay governoran'i Koufat.



Avy tamin'i komandà Oubaydollah ibni Ziad ho an'i Hour : « rehefa voarainao ity taratasiko ity, ankasaroty ny raharahan'i Houssein, ka mijanona amin'ny toerana izay karakaina sy tsy ahitana rano ianareo. »



Tsy maintsy mijanona eto isika, izany no toromarika azo avy tamin'i Oubaydollah ibni Ziad.

Loza ho anao ry Hour ! eto anie ka tany karakaina. Tsy hahazaka ny hain-tany eto ireo zaza amam-behivavy ireo. Ka aoka isika hivantana amin'ilay Tanàna kely etsy anilany etsy ery.



O ry zafin'i Mpaminany !, tsy afaka manao izany aho. Aoka ianao mba hahatsapa ny toerako. Ilay mpitondra hafatr'ilay lehibe dia manaramaso ahy, ny amin'ny fanatanterahako antsakany sy andavany an'ilay toromarika sa tsia.




Zohayr, iray amin'ireo mpanaradia mahafatra-po an'imamo no nangataka taminy mba hiady amin'ireo miaramilan'i Hour, nolavin'imamo anefa izany.




Tsy tiako ho izaho no hanomboka ny ady voalohany.

Ô ry zafin'i Mpaminany !, avelao izahay hiady amin'izy ireo izao dia izao, satria rehefa avy eo dia hiampy indray izy ireo, ka amin'izay fotoana izay ho sarotra amintsika ny handresy azy ireo.


Dia nanontany ny anaran'ilay toerana karakaina amin'izay tena mahalala tsara an'i Koufat amin'ireo mpanaradia azy Imamo Houssein.



Inona kay no anaran'ity toerana ity ?



I Neynawa no anarany ry Aba Abdillah !




I Gazeryyah ihany koa no fiantsoana azy ry Zafin'ny Mpaminany !



Manao azafady aminao ry Imamo, **Karbala** ihany koa no fiantsoana azy ity.



Andriamanitra ô !, mangataka fiarovana aminao aho amin'ny Karb (alahelo) sy ny Bala (fahoriana sy loza). Midina ianareo. Tena eto tokoa ilay toerana nifanomezana ho antsika. (ilay toerana hahafate-santsika).



Nanomboka tamin'izay fotoana izay, izay andro faharoan'ny volana Mouharam, mandram-pahatongan'ny andro fahasivy tamin'izany volana izany, an'arivony maro ireo miaramila tonga nanampy ny miaramilan'i Koufat.


Handefa an'i Omar ibni Sa'ad hitarika izany andian-tafika goavana izany i ibni Ziyad.



Tamin'ny fahafiton'ny volana Mouharam, naharay toromarika henjana dia henjana avy tamin'i ibni Ziyad i Omar ibni Sa'ad.




Manomboka izao, sakano i Houssein sy ireo mpanaradia azy tsy hahazo lalana mankany amin'ny reniranon'i Fourat, ary aza avela hisotro rano ao mihitsy na dia tetin-drano iray aza.



Ary aza avela haka rano eo amin'ilay renirano ihany koa.

I Omar ibni Sa'ad dia nanome baiko an'i Amr ibni Al-Hajjaj sy diman-jato lahy tamin'ireo miaramilany mba tsy hanome lalana an'imamo makao amin'ilay rano. Tsara ny manamarika fa i Amr ibni Al-Hajjaj dia anisan'ireo olona izay nanoratra taratasy nanasa an'imamo mba ho tonga any Koufat.

Ry Houssein ! moa ve hitanao ny fangarangaran'ny reniranan'ny Fourat ? mba ifantako amin'l' tompo Allah, fa ianao dia tsy mba hisotro rano na iray mitete mihitsy aza mandram-pahafatesanareo hetaheta.



Harivan'ny andro fahasivin'ny volana
Mouharam izay antsoina hoe Tasou'ah,
nanome baiko hanafika i Omar ibni Sa'ad.





O ry rahalahiko Abbas !, mandeha teneno izy ireo hanemotra an'ilay ady rahampitso. Izaho mila manao fanompoampivavahana amin'ity alina ity, mba hahafahako mibebaka sy hamaky ny boky masina kor'any.

Ô ry Aba Abdillah !, indreo ny miaramilan'ireo fahavalo manantona antsika !



Te-hisotro rano aho.

Aoka isika hitsitsy an'ireo ranontsika, fa raha tsy izay ho fatin'ny hetaheta eto isika.



Ahoana ny fijerinao ity raharaha ity ? , raha ohatra ka olona tsy mpino no nangataka fe-potoana alina iray amintsika, tena tsy maintsy nekentsika izany. ka moa va tsy mba hanome fe-potoana ho an'i Houssein izay zafikelin'ny Mpaminany masina isika ?

Ilay zafin'ny Mpaminany (sw) dia mangataka fe-potoana aminareo amin'ity alina ity.

Izahay tsy mba hanome fe-potoana azy ireo mihitsy.



Aoka ho fantatrareo fa izaho tsy mbola nahita mpanaradia mahafatra-toky tahaka anareo, ary mbola tsy nahita havana sy namana akaiky be pitiavana tahaka anareo. Anio dia haveriko aminareo ilay fanekem-pankatoavana izay nataonareo. Ireo vahoaka voaozona ireo dia amiko irery ihany no ananan'izy ireo olana. Ka noho izany, aoka ianareo hanararaotra handositra amin'ity alina ity.

Tamin'ny alin'iny dia nampivory an'ireo mpanaradia azy ny Imamo Houssein (as), ary hoy izy tamin'izy ireo hoe :



Handositra mba hahafahana mivelona aorianao ve ?, tsia, tsy misy androny ho tanteraka mihitsy izany.

O ry Aba Abdillah ! raha mba nanana fofonaina arivo ny tenako, dia niady ho anao aho na dia ho faty an'arivony aza, amin'izay Tompo Allah hiaro anao amin'ny fahafatesana, ianao sy ireo fianakavianao.



Rehefa samy nanda ny handeha izy rehetra, sy avy namoaka teny mitovy amin'izay nolazain'i Abou Al-Fadl na i Zohayr izy ireo, dia nambaran'Imamo Houssein (as) azy ireo fa ho faty maritiora izy ireo rahampitso. Nanontany tena i Qassim ibni Hassan, izay tovolahy vao erotrerony, ny amin'ny mety hanomezana azy alalana hiady sa tsia, ary nanontany tena ihany koa, fa moa ve izy izany anisan'ny ho maty maritiora ihany koa sa ahoana.



Manao ahoana kay ny fahitanao an'izany fahafatesana izany ?

O ry dadatoa !, moa ve aho anisan' ireo ho faty maritiora rahampitso ?



Eny ry zanako malalako. Ho faty maritiora ihany koa ianao.


Mamy mihoatra ny tantely.



Tamin'ny alalan'ny fananganana fotoampivavahana sy fiondrehana ary fandohalihana eo anatrehan'i Tompo Allah no nandanian'Imamo Houssein (as) sy ireo mpanaradia azy ny alina, ary niampy ny famakiana ny boky masina kor'any ihany koa izany.



Ny marainan'ny fahafolon'ny volana Mouharam , izay antsoina hoe **Ashoura**, samy niomana ho amin'ilay ady avokoa ireo miaramila roa tonta.



Niaraka tamin'ireo miaramilan'i Koufat i Shimr ibni Jaoshan niezaka ny hanafika an'imamo avy ao aoriana. Ka noho Imamo Houssein (as) sy ireo mpiaradia aminy nihady lavaka tao aorian'ireo trano lay, no sady namelona afo, dia niverina niaraka tamin'ny hakiviana tanteraka tany amin'ny toerana niaviany ireo fahavalo.






Talohan'ny hanombohan' ilay ady, dia niakatra teny ambonin'ilay ramevany Imamo Houssein (as) ary niteny tamin'ireo vahoakan'i Koufat hoe :

O ry vahoaka !, mandiniha tsara sy jereo tsara hoe : iza aho ? Moa ve tsy izaho ilay zanaky ny zanakavavin'ilay Mpaminaninareo ? , moa va ilay Mpaminany masina tsy nilaza fa izaho sy ilay rahalahiko dia lehiben'ireo tanora ao amin'ny paradisa ?

Izahay tsy mba mahalala izay nolazainao.

Tsy mahalala izany ianareo satria efa nohidian'i Tompo Allah ny fonareo.





Ianao tokony hanaiky ny toromarik'i Oubaydollah.

Tsia, izaho tsy hanaika halainareo baraka mihitsy. Ary tsy handositra tahaka ny andevo ihany koa aho. Moa mba misy olona hiaro ny fianakavian'ilay Mpaminany masina?



Ô ry ibni Sa'ad !, moa ve tena mila miady amin' i Houssein ibni Ali (as) ianao ?

Eny. Hiady aminy amin'ny alalan'ny ady iray izay ho tapaka ny tongotra aman-tanana amin'izany.

Nisy fiantraikany tamin'i Hour ilay teny nataon'Imamo Houssein (as).



O ry Hour !, moa ve mila miady ianao ?, nefa isika mbola tsy nahazo baiko hanafika. Mahagaga !, ianao izay anisan'ny mahery fon'i Koufat, inona no antony mampangitakitaka anao toy izao ?

Izaho dia mahita ny tenako eo anelanelan'ny afo-be sy ny paradisa.

Ka nanomboka teo no nakan'i Hour fanapahan-kevitra ampahasahiana.



Namonjy an'ireo miaramilan'Imamo Houssein (as) i Hour.




Taorian'izay dia nanome baiko ny amin'ny hanafihana i Oumar ibni Sa'ad.





Fifandonana ankaherisetra no nanombohan'ilay ady ary maro no maty tamin'ireo miaramila roa tonta.





Rehefa avy teo, dia nanomboka ihany ny ady izay hifanandrinan'olondroa. ireo mpanaradian'Imamo dia nandresy ny fahavalony rehetra.



O ireto gaigilahy ireto ! moa va mba hainareo amin'iza ianareo no miady ?, hiady amin'ilay mahery fo izay vonona ny hamoy ny ainy ho faty. Aoka ianareo tsy hiady tsirairay.



Nanafika fanindroany an'ilay miaramilan'Imamo ireo tafik'i Koufat. Ankerim-po no niadian'ireo miaramilan'Imamo, nefa lavo maritiora tamin'izany i Mouslim ibni Aousajah, ilay rangahy antitra sy marina.

O ry Mouslim !, ny famindram-pon'i Tompo Allah anie ho aminao.





Hatramin'ny mitataovovonana no nitohizan'ilay ady, ary maro no maty maritiora tamin'ireo mpanaradia an'Imamo. Nanatanteraka ny fotoampivavahana atoandro niaraka tamin'ireo sisa tavela tamin'ireo mpanaradia azy ny Imamo. Nitsangana teo alohan'Imamo i Sa'ad ibni Abdoullah mba hiaro azy amin'ireo zanatsipikin'ireo fahavalo.



Rotidrotikin'ireo zanatsipika ny vatany, ka dia lavo tamin'ny tany izy.

Mafy sy sarotra ho an'ireo zaza amam-behivavy ny mahita ny fisehon'ilay ady sy ny fahafatesan'ireo lehilahy izay maty maritiora, ary torak'izany ihany koa ny tsy fisian-drano, izay niteraka fahalemena ho any tenan'izy ireo teo ambanin'ingahy be masoandro izay tena nigaingaina tokoa.

O ry zanaky ny Mpaminany !, moa nahavita nanatanteraka ny zonao ve aho ?






Tapitra maty maritiora avokoa ireo mpanaradia an'Imamo, ka dia niomana ny hiady ihany koa ireo fianakaviany. i Ali Akbar, izay tena nitovy be tamin'ny Mpaminany (sw) no voalohany nangataka alalana tamin-drainy mba hiady, sy nandeha namonjy ny sahan'ady .



Izaho dia i Ali, zanak'Imamo Houssein ibni Ali (as), mba ifantako amin'ilay trano masina Ka'aba fa izahay no tena akaiky an'ilay Mpaminany masina kokoa. Izahay tsy mba hietry velively eo ambanin'ny fanaovana tsinontsinona. Hiaro andraiko amin'ny ady aho, ary amin'ny alalan'ity sabatrako ity no hanehoako izany.





Lavo maritiora ihany koa i Ali Akbar taorian'ny ady ankaherim-po nataony, ka ampolony maro no matiny tamin'ireo miaramilan'ny fahavalo.



Andranomaso Imamo Houssein (as) teo ampanantonana ny vata-mangatsiakan-janany, sy ny sisa tavela tamin'izany.

enganie ho aringan'i Allah ireo izay nanao anao ho lasa maritiora ! fahasahiana manao ahoana moa no ahafahan'izy ireo manitsakitsaka ny hasin'ny Mpaminany ! Aorianao dia ho lasa vovoka ny tany !



Nihazakazaka nankeny amin'ny sahan'ady i Zainab (as), no sady nianjery teo ambonin'ilay vata-mangatsiakan'i Ali Akbar.





Noraisin'Imamo Houssein (as) ilay anabaviny no sady nentiny nankeny amin'ilay trano lay nisy azy.

Mandehana ianareo, ay entonareo mankeny amin'ireo trano lay ireo rahalahinareo.






Torian'i Ali Akbar, ireo andiam-pianakavian'Imamo hafa tahaka an'i Qassim ibni Al-Hassan, sy ireo zanak'i Mouslim ibni Aqil, ary ireo zanak'i Zainab (as) roa, ary torak'izany ihany koa ireo rahalahin'Imamo Houssein (as), dia samy lavo maritiora avokoa.





Tsy naharitra i Abou Fadl ilay mpitondra ny fanevan'ireo tafik'Imamo nahita an'ireo sakaizany maty maritiora ary indrindra ny hetaheta izay mahazo an'ireo ankizy




Ka dia niezaka nanao izay tratrany izy mba hahafahany mitondra rano ho an'ireo ankizy mandram-pahataperan'ny ainy.





rehefa avy niady tamin-kerim-po izy, dia tonga teo amoron'ny reniranon'i Fourat izy. Noho ny hetaheta roa andro izay nahazo azy sy ny hafanan'ny masoandro izay tena nigaingaina tokoa ary indrindra ny fifanjevoana izay maty tena mafy nanomboka tamin'ny maraina, izany rehetra izany no nanery azy handray an'ilay rano mangarangan'ny reniranon'i Fourat amin'ny tanany. Nefa rehefa avy teo, dia nahatsiaro ny hetahetan' Imamo izy, ka dia naveriny narotsaka indray ilay rano efa teny an-tanany tao amin'ilay renirano.




Nofenoiny rano haingana ilay fitondran-dranony ary dia nihazakazaka niaraka amin'ilay soavaliny izy nizotra nankany amin'ireo trano lay.





Notapahin'ireo miaramila kanosan'i Koufat izay niafina tao ambadik'ireo hazon'antrendry ny tanany havia sy havanana.




O ry vahoaka !, na dia notapahinareo aza ireo tanako, izaho dia hifikitra mandrakariva amin'ny finoako.






Nizotra nankany an-danitra ny fanahiny rehefa avy notifirin'ireo fahavalo tamin'ny zanatsipika ny masony sy nokapohin'izy ireo tamin'ny lohan-defona vita tamin'ny vy ny lohany.




Tonga teo anilan-drahalahiny ny Imamo tamin'izay fotoana izay.

Tena nahavao-dona ahy mafy ny fahafatesanao. Ry rahalahiko.





Taorian'ny nahafaty maritiora an'ireo mpanaradia an'Imamo sy ireo fianakaviany akaiky, niomana handeha hiady ihany koa izy.



Nandeha nankany amin'ireo trano lay izy, mba hanao veloma farany an'ireo zaza amam-behivavy.




Rehefa avy teo dia nanome baiko ny hanomezana azy ilay zanany izay vao enim-bola monja izy, dia tsy iza izany fa i Ali Asghar mba hataony veloma ihany koa.





Teo ampahitana an'i Ali Asghar matin'ny hetaheta, dia noraisin'Imamo teny antanany izy, no sady nentiny nankeny amin'ny sahan'ady. Niangavy an'ireo miaramilan'ny fahavalo ny Imamo mba hakan'izy ireo an'ilay zazakely sy mba hanomezan'izy ireo azy rano kely hosotroiny. Nefa i Harmalah nanala ny hetahetan'ilay zaza tamin'ny alalan'ny fitifirana azy tamin'ny zanatsipika telo loha.



Andriamanitrô !, ny zavatra hany mampitony ahy dia noho ny fiatrehanao izao fijaliana rehetra izao.

Notapahin'ilay zanatsipika ny tendan'ilay zazakely vao enim-bolana, nindaosin'ny fahafatesana teo anatrehandrainy ity farany.



Taorian'izay, dia niakatra teo ambonin'ilay soavaliny Imamo Houssein (as), no sady nizotra nanantona an'ireo miaramila fahavalo marobe. Olona iray hifandrina amin'ny miaramila izay misa telo alina.


Izaho dia Houssein ibni Ali (as). Mianiana aho fa tsy hilavo lefona manoloana an'ireo fahavalo.





Tena niady faran'izay mafy ny Imamo ka nahatonga an'ireo miaramilan'ny fahavalo niparitaka tahaka ny valala nanerana an'ilay tany efitra.

Indraindray izy dia miverina eny amin'ireo trano lay mba maka aina kely. Ka noho ny hamafin'ny hetaheta izay mahazo azy dia lasa sahirana izy mijery, ary toa nanjavona aminy ny zavatra rehetra.






Nefa mbola nanohy niady ihany ny Imamo, ary tena niady tamin'ny heriny rehetra, hany ka tsy nisy nahazaka an'ireo kapoka izay nataony na iray aza.



Loza ho anareo !, moa va tsy fantatrareo amin'iza ianareo no miady ?, amin'ilay matanjaka indrindra amin'ireo foko Arabo. Tifironareo amin'ny zanatsipika amin'ny lafiny rehetra izy.





Tena maro be ireo zanatsipika no nitsatoka tamin'ny vatana masin'Imamo, hany ka tahaka ny sokina ny fahitana azy tamin'izay fotoana izay.


Amin'ny anaran'i Allah, miaraka amin'ny fanohanan'i Tompo Allah, ary amin'ny alalan'ilay finoan'ny iraky ny Tompo Allah.




Rehefa nijanona tsy niady intsony ny Imamo noho ny hamaroan'ireo ratra nahazo azy, dia nisy olona iray nitomboka azy avy tao antsiny tamin'ny alalan'ny lefona, ary dia lavo tamin'ny tany izy.



Taorian'izay, vao niara-nitangorona taminy ireo miaramila no sady nanapaka ny lohany masina.







Nanomboka nitomany ireo zaza amam-behivavy teo ampahitana an'i Zoul Janah, ilay soavalin'Imamo, tsy miaraka aminy ilay mpitaingina azy.



Vao maty maritiora Imamo, dia notafihin'ireo fahavalo ireo trano lay, no sady nodoroan'izy ireo.



Rehefa avy teo, dia nosamborin'izy ireo ireo zaza amam-behivavy, ary nentin'izy ireo niaraka tamin'izy ireo.



Na izany aza, tsy izany no fiasaran'ny tantaran'ny Ashoura, fa kosa izany no fiandohany. Fiandohana izay tsy mba hifarana mihitsy,...ka nanomboka tamin'izay, ny ran'Imamo Houssein (as) dia lasa haingam-panahy sy toro-lalana ho an'izay rehetra mila manohitra ny olona tahaka an'i Yazid, mandra-pahatapit'izao tontolo izao.